

06221

陸九芝
手批本

本草述鈎元

本草述鉤元藥目

卷二十四下 灌木部

郁李仁 女貞子 冬青葉 五加皮 枸骨木皮 葉 卽貓兒刺

枸杞苗 地骨皮 枸杞子 枸杞蟲 牡荊葉慙

木芙蓉 蔓荊子 金櫻子根 木綿仁 石南葉

南燭枝葉 紫荊皮 柞木皮 葉 鬼箭羽卽衛矛

卷二十五 寓木部

茯苓皮 茯神木 琥珀 豬苓 桑寄生

雷丸卽竹苓

卷二十六 苞木部

卷二十七

蟲部

蜂蜜

蜜蠟

露蜂房

蟲白蠟

五倍子

百藥煎

8 桑螵蛸

僵蠶

原蠶蛾

原蠶沙

蠶繭

蠶蛻

蠶連紙

絲綿

黃絲絹

蠍

斑蝥

水蛭

蟲蟲

廩蟲

蟻蟪

蟬

蟬蛻

蜣螂

螻蛄

蜈蚣

白頸蚓

蛙

卷二十八

鱗部

龍骨

龍齒

穿山甲

蛤蚧

白花蛇

烏梢蛇

蛇蛻

蚺蛇膽

蚺蛇肉

鯉魚

膽腦

青魚膽

鰕魚膽

鯽魚

黑魚

鱧膽

石首魚

白鰲

魚鰾膠

鱖魚

鱖魚血

頭

鰻魚

鰻魚骨

頭

烏賊骨

即海螵蛸

本草述鉤元卷二十四下 灌木部 武進楊時泰貞頤輯

郁李仁

卽爾雅棠棣山野處處有之樹高五六尺葉花及樹並似大李惟子小若櫻桃熟時赤色甘酸而香有少瀋味也

味酸辛苦氣平性潤而降陰中之陽脾經氣分藥更入手陽明太陽經 主治化血潤燥瀉結氣破癖氣治大腸氣結燥

瀋滯不通泄五臟膀胱急痛腰膝冷膿下氣利水道並主大腹水腫四肢面目浮腫 附案 一婦因悸而病既愈目張

不得瞑錢仲陽令煮郁李酒飲之使醉而愈蓋因目系內連肝膽恐則氣結膽橫不下郁李能去結隨酒入膽結去膽下

則目能瞑矣。同當歸地黃麻仁桃仁麥冬生蜜肉蓯蓉治大便燥結不通甚者加大黃。

論 郁李仁之利水本於散結氣。夫水乃氣所化氣屬陽主動動者能使之結則屬於陰矣。氣之元固起於陰中之陽氣之結卽由於陽中之陰一散其結而陽斯化水斯行故潔古謂爲脾經氣分藥而本經用治大腹水腫面目四肢浮腫者也。夫脾乘出地之陽而上行布中氣以統血故五臟皆有陰氣而脾爲之樞。郁李仁主療大抵皆脾氣之所周然則潔古破血之說不等於他味卽所云潤燥亦由其宣陰結以化血以血結則氣燥血化則榮衛和而燥者潤也且其散結之功。

寧獨奏之行水哉。舉七情之結以傷陰。遂以塞陽者。當可類推之以爲治矣。

觀錢氏用治目不得瞑可見

繆氏言性專降下善導大腸燥結利周身水氣然下後多令人津液虧損燥結愈甚乃治標救急之藥津液不足者慎勿輕用

修治 先以湯浸去皮尖再用生蜜浸一宿漉出陰乾研如膏用

女貞子

一名冬青。然冬青子紅。此樹子黑。當另是一種。或云即蠟樹寄蟲造白蠟者。

味苦甘氣寒氣薄味厚陰中之陰降也入足少陰經 綱目

主強陰健腰膝變白髮明目稱爲上品無毒妙藥 典術言

女貞本少陰之精冬不落葉故其益腎之功可推 稟天地

至陰之氣今人用以變白輒效應是甘寒涼血益血之藥仲淳

女貞子氣味俱陰爲入腎除熱補精之要品凡腎陰虛而

有熱者此爲對待之劑 同地黃首烏人參麥冬牛膝枸杞

山藥旱蓮草南燭子沒食子桑葚黃檗椒紅蓮鬚爲變白要

藥 同杞子甘菊生地蒺藜能明目 烏髭鬚女貞子一斗

如法去皮老酒浸一宿每斗用馬料黑豆一斗淘淨曬乾同

蒸透九蒸九曬各爲末加山薑卽蒼朮自然汁三兩川椒淨末

三兩於女貞末內同黑豆末和勻蜜丸梧子大先食服四五錢白湯或酒吞 又方采鮮鱧腸草二三十斤搗汁入九蒸

九曬過女貞子末再曬乾爲丸亦得但服之腹痛作泄不若

山薑汁椒末爲佳更服八珍丸以實根本或用川椒末如女

貞子末等分爲丸腹卽不痛蓋女貞補血海純陰有川椒從

天表之陽直入命門而補元陽卽能令元陰有主得以施化

此亦不必九蒸九曬也 繆氏更定涼血理脾方何首烏鳥豆

同牛膝蒸製如法後用人乳浸曬三四十次赤白各二斤女貞子酒拌九蒸旱蓮草膏二

兩南燭子膏十二兩茅朮泔浸蒸曬三次真川椒紅去白膜閉口者十二

兩沒石子十兩爲末以旱蓮烏飯子二膏同煉蜜和丸梧子大

每空心飢時各服五錢白湯吞 加減地黃丸治男子天元

受傷精氣耗損胃虛勞熱骨體空虛腎衰陽痿精洩不施或

生而不育久服愈百病長精神有生生廣嗣之妙大生地一斤

酒浸柳木甑蒸爛攤開竹篩內日曬夜收地上如是蒸曬九次

聽用白茯苓懷山藥乳浸曬乾三次丹皮酒浸一宿曬乾山萸肉雄羊油炙何首

烏同黑豆九蒸九曬枸杞子蒸熟金櫻子蒸熟女貞子酒浸一宿蒸熟各八兩配

地黃煉蜜爲丸梧子大每日空心用白湯或淡酒下八九十

丸 杞龍丸治勞傷過度憂愁思慮心火燥肺腎水不足服

之能健男子脾胃調女子經水枸杞子酒潤六兩龍眼肉半斤熟地

一斤當歸酒淨六兩人參三兩麥冬七兩五味子去核一兩丹參四兩茯苓乳浸曬乾

二次

懷山藥

六兩

何首烏

黑豆九蒸
曬二兩

續斷

四兩

女貞子

酒浸一宿
曬乾六兩

丹皮

酒淨
四兩

黃連

酒炒一
次三兩

石斛

一斤

先將石斛煎濃汁又將山藥

焙投入石斛汁內收乾再曬配衆藥末煉蜜丸梧子大每服

百丸空心淡酒或白湯下久服令人多子

論

人身有陰中之氣有陰中之血益陰諸味從陰氣盛而

化血者與陰血盛而和氣者不可一例視女貞子入血海益

血而和氣以上榮故其效於髭鬚更著他味雖如側柏之凌

冬與女貞同益陰血而用固迥殊蓋萬物向陽柏獨西指乃

受金之正氣者也惟宜於吐血諸證以堅金之氣因母護子

使不爲淫火所燥若女貞則負至陰之貞由腎至肺并以淫

精於上下不獨髭鬚爲然卽廣嗣方中多用之又石菖蒲亦
秉至陰四序長清然苦辛開心和血而帥氣更不同於女貞
實之用也夫人知陽爲陰先不知陰氣之盛者更由於陰血
之足陰血足而後陰氣乃得上榮於唇口以陽原出陰中陰
中之陽卽所謂陰氣也經曰至陰虛天氣絕此卽血脫者不
能致其陰氣於天表之明證再衝脈之上俞在大杼大杼者
足太陽穴也下俞在巨虛之上下廉此胃穴也先天之氣與
後天之氣合而後陰血充以上下行故烏鬚者用此必兼理
脾胃

冬青葉

女貞葉與冬青葉俱厚而長綠色面青背淡但以葉長而子黑者爲女貞葉微圓而子赤者爲冬青

味微苦氣平 主治除風散血消腫定痛治頭目昏痛諸惡

瘡腫 疔瘡潰爛久者以水煮葉乘熱貼之頻頻換易米醋

煮亦可 口舌生瘡或舌腫脹痛取葉搗汁含浸吐涎神效

按此葉稟至陰而歸血海能令陰氣上致天表奏和陽之功

風熱赤眼冬青葉五斗搗汁浸新磚數片五日掘坑架磚

於內蓋之日久生霜刮下入片腦少許點之 又方用雅州

黃連二兩冬青葉四兩水浸三日夜熬成膏收點眼

五加皮

北方沙地者木類南方堅地者草類生江淮者根類地骨皮
最良輕脆芬香苗莖有刺類薔薇長者丈餘葉五出香氣如
橄欖春時結實如豆粒而扁青色得霜紫黑俗名追風使以
漬酒療風不知其爲眞五加皮也用根皮同莖

味辛苦氣溫氣味俱厚沉而陰也入足少陰厥陰經 遠志

爲之使惡元參蛇皮同人參用則無力然種子方有同用者 主治腰

膝疼痺療痿躄五緩虛羸濕氣浸淫留中則筋脈緩縱虛羸氣乏 風痺四肢攣

急破逐惡風血及多年瘀血在皮肌治痺濕內不足補中益

氣堅筋骨強志意並治男子陰痿囊下濕小便餘瀝又主疽

瘡陰蝕 五加皮得天少陽之氣爲五車星之精又得地火

金之氣故氣味辛溫所主諸證皆因風寒濕邪傷於肝腎二經而濕氣爲最經云傷於濕者下先受之又云地之濕氣感則害人皮肉筋脈肝腎居下而主筋骨故風寒濕之邪多自二經先受此藥辛能散風溫能除寒苦能燥濕二臟得其氣諸證悉瘳

仲淳

輕身

風濕去也

耐老

肝腎補也

世爲仙經所須

又

風

病飲酒能生痰火惟五加一味浸之日飲數盃最有益諸浸酒藥惟五加與酒相合味美

王綸

得牛膝木瓜黃蘗生地麥

冬薏仁石斛虎脰骨山藥治濕熱痿痺腰以下不能行動

同二朮二活防風草薤仁石菖蒲白蒺藜甘菊白蘼皮石

斛治風寒濕成痺

一味釀酒飲之治風痺四肢拘攣

同

續斷杜仲牛膝山萸巴戟故紙治腎虛寒濕客之腰痛 同
蒼朮黃檗黃芪連翹石菖蒲薏仁銀花鼈虱胡麻木瓜土茯苓
治下部濕瘡不愈兼治膿窠瘡如神 同黃檗菖蒲蛇牀
子爲末敷囊濕神效如作湯沐加荊芥苦參防風 虛勞不
足五加皮枸杞根白皮各一斗水一石五斗煮汁七斗分取
四斗浸麴一斗以三斗拌飯如常釀酒法待熟任飲 婦人
血風勞懣悴困倦喘滿虛煩噏噏少氣發熱多汗口乾舌濇
不思飲食服油煎散五加皮丹皮赤芍當歸各一兩爲末每
一錢水一盞取青錢一文蘸油入藥煎七分溫服常服 男
婦脚氣骨節皮膚腫濕疼痛五加皮遠志肉各四兩酒浸春

秋三日夏二冬四日曬乾爲末卽以浸酒爲糊丸梧子大每服四五十丸空心溫酒下藥酒壞別用酒爲糊按遠志爲五加皮之使其爲腎劑益明

論

五加皮治風濕痿痺

本經言覺別錄言兩脚痺疼風弱權言軟脚皆痿也痺者卽甄氏所

言惡風血瘀血夫濕傷腎腎不能養肝肝自生風遂成風濕痺濕內不足也

其本病於痺濕內不足而血脈凝滯其標見於筋傷不能束骨而爲風弱軟脚然則五加皮療濕之化風非療風病經曰風從陽受之濕從陰受之其本固區以別矣此味初辛次苦苦勝於辛辛居先而卽隨苦以直下故入肝散風入腎燥濕而皆以氣之溫者和之人惟腎肝氣虛故病於濕濕者陰之